



ییل : ۱ صای : ۱

سیلانی

عثمانی مملکتی ایچون ۱۲ غروش
روسیه و عجمستان ایچون ۲ روبله
باشقه مملکتلر ایچون ۵ فرانق

صایبی ۱۰ پارهیه

خلفه دوفرو

هفته ده بر خورن بوردی، طرفدن بیقاییر

۱۱ نیسان ۱۳۳۹

مریری : مهول سائر

ادراه خانه :

استانبولده نور عثمانیه جاده سنده
۴ نومرولی « تورک یوردی »

قاغان « هایدی اولدور و کز ! » دیرکن آتی آلتندن
شاخلانهرق یاقنده کی اوچورومه آتدی جان ؛
« پولوان ولی » بزحمله ده همان یاره آتیلان
آتی طوتدی قالدیره رق قویدی آتین ایوانه .

سیرجیلر هپ طوندیلر ، کوکلری بر حیرت
قایلامشدی : معجزه می یوقسه بو بر کرامت
قاغان کلدی ، دیدی : « آرتق طور مق اولماز ، ای ملت ،
بن اسلامی قبول ایتدم ، سزده کلک ایمانه ! »

پولوان ولی سوینه رک بو آلهی ارشاده
صحرالره قوشدی ، کیتدی عاجزلره امداده ؛
اوزمانکی بوتون تورکلر بو پنجه سی پولاده
بورجلودرلر ؛ چونکه حضراولمش ایدی تورانه .

کوک آب

حضرت فاطمه نك قهرمانلغی

بعثتدن ، یعنی حضرت پیغمبرك ظهورندن تام آتی
بیل کچمشدی . مکه شهرینك سوقاقلرنده باشقه برغریب
حال کوزیکوردی . اوتده بریده انسان ییغینلری حدتله
برطاقم شیلر حقنده کوروشیورلردی : قادینلر ، ارککلر ،
کوله لر و چولوق چوجوقلر هپ بر طرفه دوغرو
یوریورلردی : بونلرکده یوزلرندن ، قیزغین طاورا -
نشلرندن ، خرچین باقیشلرندن برشیدن ممنون اولمديقلری
بللی ایدی .

شو هیجانلی اهانلینك یورودیکلری کنیش سوقاغك
نهایتده بیوک و آچیق بر میدان کورونیوردی . اهالی
هپ شومیدانه دوغرو ایلریله یوردی . کچ کلنلر میدانك
ایچ طرفه قدر سوقولمق ایچون پك چوق کوجلك
چکیورلردی . مع مافیه ایلریله مك نیتی ايله هرکس بر برینی
ایته قاقه میدانك اوته کی طرفه ، درت کوشه لی بردیواره
قدر وارمق ایسته یوردی . بودیوار بیاغی چاموردن
پایلمش و کعبه یی درت طرفدن چوپریمش ایدی . دیوارك

تام اورتہ سنده بیوک بر قانی بولیوردی . قاپینك یان
طرفلرنده ایکی نوبتچی ، اللرنده نیزه و بللرنده قلیچ
طورییورلردی . بونلر قاپیدن ایچری یه هرکسی
صوقیورلردی . زیر ا قرق یاشندن آشاغی بولنانلر ايله
قادینلر و کوله لر ایچون قاپیدن ایچری کیرمك یساق
ایدی . آره صیره شو انسان ییغینی ایچنده بر « یول ویر »
سسی گورلیوردی . بر برینی ایتن اهالی همان صیقیشه رق
قاقیشه رق ایکی جانلی دیوار شکلی آلیوردی . و آراده
آچلمش اولان یولدن برر ذات آغیر آغیر و عظمتله
کچیوردی . قایچیلر قاپی یی آچارق بونلری ایچری برا -
قیورلردی . اهالی آراسنده « ایشته ابوسفیان ، ایشته
ابولهب ، ایشته ابوجهل ، ایشته عمر ابن خطاب ، خالد
ابن ولید » کلهلری طالعہ کی میدانك بر طرفندن
دیگر طرفه قدر یاییلیوردی .

شو مکه اولولری و آق صقاللری ایچریده ، کعبه اللهك
قارشیسنده بولنان دارالندوده ، یعنی مصلحت ، شورا
اوینك اوکنده طویلانمشلردی . مکه بیوکلری بوتون
مهم ایشلره بوراده باقارلردی ، بوراده حل ایدرلردی .
شو آغیر باشلی ، تمکین لی ، وقارلی قریش بیوکلری بوکون
نهدن ایسه طیشاریده بولنان اهالی قدر قزغین ، حدتلی ،
وخشین ایدیلر . بونلری بورایه طویلایان ایشك پك
بیوک ، پك مهم اولدیغی آکلاشیلیوردی . لاکن بر
مدت کیمسه سس چیقارمیه رق ، هرکس سکوت ایچنده
باشلی آشاغی اکهرک فکره طالشمدی : یالکز بونلرک
چاتیق قاشلرینك بوکوملرندن ، ایری یووارلاق کوزلرینك
ایشیلتی سندن ، یوزلرینك صارارمش رنکندن - ایچلرنده
برصیقینتی اولدیغی اکلاشیلیوردی .

نهایت قریش اولادینك اولوسی و آق صقالی اولان
ابوسفیان برکسی اوزرینه چیقارق شویله جه برنطق سویلیدی :
« قریش اولادی ! بورایه نه ایچون طویلاندیغکزی
بیلیورسکز ! عبداللهك اوغلی شو محمدك الندن آرتق
هیمز بیقدق ، بیزار اولدق ! شو یتیم تجاوز ایتمه دک
برشی براقه دی . اجداد مزدن قالمش عادتله استهزا

زیاده تحملہ و صبرہ طاقتمز قلمہ دی ! شہمدی نہ
دوشو نیورسکز ؟ نہ چارہ بولیورسیگز ؟ »

ابوسفیان نطقی بتیردی . مکہ اولولری ہب باشلری
کوکسلری اوزرینہ اکەرک برمدت سکوت ایتدیلر !

مکہ اولولری آراسندہ ییکیتلکی ایلہ ، شجاعتی ایلہ
شہرت قازانمش اولان عمر ابن خطاب بر طرفدہ قلیجنہ
طایانہ رق طور یوردی . اوموزلرندن بوتون یوجہ بویجہ
صاللان عباسی - خطاب اوغلنہ قورقونج و ہیبتلی برہیکل
شکلنی ویریوردی ؛ حدتلی کوزلرندن آتش صاحبلیوردی ؛
قاشلرینک بوکوملری - عادتاً اولوم خبری ویریوردی ؛
صارارمش یوزندہ یناقلری ، دوداقلری و چکەسی ترتر
ترە یوردی . ہرکس مکەدہ خطاب اوغلنک شو حالتی
بیلیور ، طانیوردی : اوکا قارشى طورولامازدی ! بو حال
برطوفانک ایلک علامتلی ایدی ، بردن برہ شوقورقونج ،
وہیبتلی ہیکلدن بر قورو کسکین سس کورلہدی .
خطاب اوغلی سویلہدی و بوتون قریش اوغوللری دیلسمز
ہیولالرکی کندیسنی دیکلہ دیلر .

« یا ابوسفیان ، آرتق یتشیر ؛ صبر و طاقتمز قلمہ دی .
ایستر بوتون کوکلر پارچالانہ رق یریوزینہ دوکولسون ،
ایسترزلزلہلر قوبارق دنیایی ویران ایتسون ، ایستر قریش
ایچندہ عداوت و خصومت آتشی صوقولارق بتون اولاد
قریشی یاقسین و بتیرسین - محمدک ایشنی بترمہ یہ ، محمدک ایلدن
شومکەبی ، شوکەبی ، کعبەنک معبودلرینی ، اجدادیمزک
عادتلرینی ، دیننی ، آینلرینی قورتارمغہ عزیم ایتدم ؛ ایشتہ
بن محمدی اولدورمہ یہ کیدیورم ! »

بوتون مکہ اہالیسی خطاب اوغلی بیلیور ، طانیوردی .
بوتون مکہ اولولری بیلیورلردی کہ خطاب اوغلنک عزیم
ایتدیکی بر ایشک اوکنہ طورولاماز . مطلق اوایش
یاسیلہ جقدر ! عمر کیتدی ؛ ہب اولولر ازیجی و صیقچی
بر قورقو ایچندہ ایشک نہایتہ منتظر قالدیلر .

ایلہدی : نہ دیمزی ، نہ اعتقادلریمزی براقدی : ہپسنی
تحقیر ایتدی ، ہپسنی قاریشدیردی . بزی سفیہ ، احمق
دیہ یاد ایدیور ؛ زیرا بز برطاقم کندی المزلہ یاسیلمش ،
ہیچ برشیئہ قادر اولیان شیلرہ طاییورمشز ! نہ حبلہ ،
نہ لاتہ ، نہ عزایہ و نہ مناتہ حرمت ایدیور . کاهنلریمزہ ،
کاهنلریمزہ کولیور ؛ بوتلرہ جاہل ، حقہ باز دیور ؛
بابالریمزدن قالمش قیز اولادینی دیری دیری کوئمک عادتی
ذم ایدیور . بوتون معبودلریمزی بیقمق ، یرلرینہ کوزہ
کورونمز ، ال اورولمز ، تماش ایدلر براللہ قویمق ایستہ یور !
بوناصل ایش ؛ محمد دہا ایلری کیدیور : بزم کولہلریمزی ،
اسیرلریمزی ، جاریہلریمزی بزہ قارشى آیقلاندیریور .
« بوتلرہ انساندر ، بوتلرکدہ روحی وار ، قلبی وار ، بوتلر
ایلہدہ ای معاملہ ایتک ، بوتلرہدہ رحم ایلہمک لازمدر . »
دیور . کولہلریمز ، اسیرلریمز ، جاریہلریمز و حتی
قادینلریمز بیلہ آنک بو طاتلی سوزلرینہ قاپیلیورلر ،
الدانیورلر . ہب برر برریکی دینی قبول ایدیورلر !
بر کون آشانی طائم انسانلرک ہپ کندیسنہ قالمش
اولدیغنی ، اوزمان حبلک ، عزانک ، لاتک عربلر اوزرینہ
آتشلر ، ییلدیرملر صاحبقلرینی کورہ جکز ! شو حالہ
دہانہ قدر صبر ایدہ جکز ؛ شمدی یہ قدر بز کندیسنی موعظہ
و نصیحت لہ ایشدن واز کچیرمکە چالیشدق ؛ زیرا محمددہ
اولاد قریشدن در . کندیسنی اولولر مزدن اولان عمجہ سی
ابو طالب دہ حمایہ ایدیور ؛ بز قریش آراسنہ عداوت
صالمق ایستہ مدک ؛ کندیسنی ایلہ ای کچنمک ایستہ دک ؛
فقط ہب عبث ! ہب بوشنہ ! ہیچ برشی قبول ایتیور ؛
دیدیکندن برتورلو آیرلیور . و کیتدکە جرأتی ، جسارتی
آرتیور ؛ آدلری ایلہ بیلہ اک بیوک اولان معبودلرمن حقندہ
تکرار ایدہ میہ حکم سوزلری آچیقدن آچیغہ سویلہ یور .
ای اولاد قریش ! سز بیلیورسیکز کہ قریشک عربلر
آراسندہ کی موقعنہ ، حرمتنہ ، اولولغنہ ہب بوکعبہ و کعبہدہ کی
معبودلر سببدر ؛ بوتلر ییقیلیرسہ ، کعبہ یہ محمدک اللہی
کیررسہ - قریشک بتون شانی ، حرمتی ، ثروتی ، عظمتی
یتمش اولور ! بوکا بر چارہ بولمہ لیدر ! آرتق بوندن